

QVODLIBETARIIS DISPUTATIONIBVS
AGITANDA. IN SCHOLIS MEDICORVM. DIE

IOVIS XII. NOVEMBRIS, M. IOANNE DERENOV, DOCTORE

MEDICO, DISCEPTATORE SAPIENTISSIMO.

AN COR PRINCEPS VNICVM?

Non *μικροκομίας* rerum creaturarum collimitio, ad *ἰσὺν* aspectabilis vniuersi efformata eleganti proportionē respondēt singula: nec aliter huius, quam illius principatū vnicū qui suo complexu vim omnem, præstantiam, ac dignitatē sui totius contineret, quasi sol motu infatigabili, calore viuifico, partes reliquas exhilararet esse oportuit. In quo *ἁπλοῦς ἀπὸ τῶν φυσικῶν* naturalis, vitalis, & animalis trigeminū facultatū familia luxuriāns corporis gubernaculū totius teneretur, in qua tantus consensus & *ἀρμονία*, vt quāuis vnus actio leuiter affici possit cæteris integris, non tamen omnino aboleri, quin cæteras in societatem cladis accersat.

Vt enim sole in ecliptica horizontali existente ad nos nullus splendor luminis vehiculo deportatur, verūm donec exceſſerit vitæ beneficio viduata inhorrescunt sublunaria, sic per syncopen spiritu, & calore vitali exulante, ac motu tabescente, præcept facultatū cunctarū lapsus irrepit, quo partes omnes ab assuetō munere feriantur. Vitalis & artēriarū motus quos communis causa efficit, desolatum mortis simulachrum lugubri pausa exhibent, donec iisdem pristinā fecunditatē redditura sospitalis quædam Flaminia, cui sub proprio vitæ discrimine larium, & foci commissā custodiā ē graui sopore resiliuerit.

Natiui caloris susceptaculū est cor, vaporosam per artēriarū numerosas propagines, in animantis particulas se se ramificantiū substantiam prouoluens. Ex quo quasi mellis sui roris typo ac officina venæ exordium nactæ, non secus quam de cysteria vel promptuario cuiusque partis substantiāficū nectar deferunt. Cuius partim in hepar quasi annem ex salo deriuatū, dein partibus dispensandū dilabascit. Nervorum quoque *ἀπὸ τῶν ἐξ αὐτῆς* ex eo germinans tenuibus cauliculis ad vsque cerebrum pullulat, vbi grauioribus turionibus animalis virtutis se se amplificanti ratione instrumentorum, quæ in cordis angustia assequi nequiuērat, grandiori inquam, nervorum cohorte fobolescit.

Tametsi in vteri plastro, cum seminis mixti vtriusque parentis crassamento, naturæ solertia totius opificij humani priores radij non simul, sed successiuo quodam ordine collustrentur & veluti themina ordiantur, quoniam tamen cor *πρὸ τῶν ἄλλων* à prima cōformatione mancipatiū naturæ filius prodit, cæteris vitam prius acceptam impertiturū, omnibus armamētis ad id competentibus instructū esse oportuit. Immo ad hoc pensum ineffracto robore exequendum, densam & musculo similem obtinere debuit substantiam, vt spiritum tenuitate fugax mobilitas & mobilis fugacitas eius forti vallamento prohiberetur.

Regiam animæ rationalis opifici sapientissimo, in corde corporis meditullio omnibus instructæ suis facultatibus, ab ea non discisis, immò ne re ipsa geminatis, fixisse placuit, vt ex eo corporis medio in extremum quaque uersum facilius viuifici caloris, vaporosique spiritus munificam largitionem, & copiam faceret. Cuius tandem languescēte vigore, & exhausta radicalis humidī efficacia, quæ in dies minuitur fati, necessitas subuolat, dum eidem postremō vitale crepusculum aduēperascit, cui roscidulæ auroræ diluculū illuxerat.

Cor igitur princeps vnicum.

ASSEREBAT IOANNES PERRINVS TVLLENSIS LOTARINGIACVS. 1598.

Domini Doctores Disputaturi.

M. Ioannes Duretus professor Regius.
M. Georgius Cornuti.
M. Ioannes le Moyné.

M. Stephanus Dufour Medicus Regius.
M. Claudius Boyvin.
M. Philippus Ardouin.

M. Hugo Pranoſtean.
M. Nicolaus Ellain decanus.
M. Guillelmus de Bailloū.